
Saksnr: 2020/71864-1
Saksbehandlar: Inge Døskeland

Saksgang

Utval	Utv.saksnr.	Møtedato
Hovudutval for næring		05.11.2020

Tilskot til prosjekt. Handlingsplan innovasjon og næring (HNV 2020). Runde 2

Forslag til vedtak

1. Hovedutval for Næring vedtek medfinansiering av 22 utviklingsprosjekt med løyving kr 13.601.000 som vist i vedlegg 1.

Samandrag

Saka gjeld støtte til utviklingsprosjekt for å realisere innsatsområda i Handlingsplan for innovasjon og næringsutvikling 2020 (HNV 2020). Totalt vert det i saka disponert kr 13,601 mill. I denne runde to utgjer denne summen restmidlane etter første utlysing kr. 5,201 mill, og ekstraløyving vedtatt i Hovudutval for næring 15.10.2020, kr 6,0 mill. Ekstraløyvinga er avsett i samband med disponering av rekneskapsoverskot til ekstern støtte til lokalsamfunn og næringsliv med ekstraordinære behov grunna korona-situasjonen. I tillegg anbefaler fylkesdirektøren at det ytterlegare vert ett av kr 2,4 mill, som VLFK nyleg har fått melding frå Innovasjon Norge nasjonalt, er overført til Vestland fylkeskommune sin part av Innovasjon Noreg sitt overskot i 2019 frå konsernrekneskapen.

I denne søknadsrunden er det etter vår søknadsfrist 15.september sendt inn i alt 81 søknader, med samla søknadssum på kr. 58.682.602.

Det vert rådd til å gje tilsegn til 22 prosjekt som er vurdert å ha framifrå/svært god/god kvalitet. Det er også i denne tildelinga mange gode søknader som dessverre er vurdert som avslag grunna stor interesse for ordninga i høve til budsjett.

Bård Sandal
fylkesdirektør

Mette Nora Sætre
seksjonssjef

Saksframlegget er godkjent elektronisk og har difor inga handskriven underskrift

Vedlegg

- 1 Tabell alle søknader tilrådd tilsegn
- 2 Tabell alle tilsegn tilrådd avslag
- 3 Tabell søknader administrativt avslag jfr heimel

Saksutgreiing

Bakgrunn for saka

Utllysinga

Vestland fylkeskommune lyste 12.03.2020 ut midlar til innovasjon og næringsutvikling (lenke 6). Søknadsfrist for runde 2. var 15. september. Utllysinga var retta mot delfinansiering av prosjekt for regional utvikling i Vestland. Målet er å oppnå gjennomføring av dei politisk vedtekne innsatsområda i «Handlingsprogram for innovasjon og næringsutvikling i Vestland 2020» (HNV 2020 - lenke 4). Heile ordninga for HNV 2020 er budsjettert med kr 21.5 mill. I første runde ved utlysinga 15. april vart det disponert kr 16.565.500. som delfinansierte 27 eksterne utviklingsprosjekt (Sak nr: 2020/49230-1). Tilgjengelege midlar for denne runde 2. er kr 5,201 mill.. I tillegg er det tilført kr. 2,4 mill frå overskotsdisponering Vestland fylkeskommune sin part av Innovasjon Noreg sitt 2019 konsernrekneskap. Til saman utgjør dette kr 7,601 mill i regionale utviklingsmidlar.

Som finansieringsgrunnlag i denne saka gjeld og ei ekstraløyving på kr 6,0 mill vedtatt i Hovudutval for næring 15.10.2020 (sak nr. PS 59 /2020). Desse midlane er avsett i samband med disponering av rekneskapsoverskot til **ekstern støtte til lokalsamfunn og næringsliv med ekstraordinære behov grunna korona-situasjonen**. I tråd med vedtaket går midlane til eksterne prosjekt. Vidare frå saka: «Midlane vil brukast på søknader som oppfyller dei generelle krava til handlingsprogrammet, som ikkje innvilgast støtte med dei opphavslege midlar til søknadsordninga, men som samtidig har søkelys på problemstillingar knytt til koronapandemien og nedstenginga av samfunnet.»

Totalt vert det i denne saka disponert kr 13,601 mill.

Desse politisk vedtekne innsatsområda er vektlagt;

- Omstilling
- Entreprenørskap og nyskaping
- Kompetanse og karriere
- Berekraftige byar og samfunn
- Naturressursar
- Grøn konkurransekraft og klimainnovasjon (eigen utlysing og egne vurderingskriterier)
- Forsking for styrka innovasjonsevne (hovudsakleg gjennom egne støtteordningar

I tillegg for ekstra løyvinga knytt til ekstraordinære behov grunna korona-situasjonen gjeld

- Ekstern støtte til lokalsamfunn og næringsliv med ekstraordinære behov grunna korona-situasjonen

Ved vurdering av søknader er det lagt vekt på effekten prosjektet vil ha for verdiskaping og sysselsetting i regionen eller fylket, og om prosjektet er nyskapande og framtidsretta. Klimaomsyn og berekraft er grunnleggjande premiss. Prosjekt som tydeleg byggjer opp under FN sine berekraftsmål er løfta fram. Forenkla er hovudmålet tredelt og retta inn mot at pandemien skal styrke næringslivet inn i ei omstilt situasjon med omsyn til;

- levedyktige arbeidsplassar
- at heile fylket og regionsentera er dekkja
- klima/miljø omsyn

Prosjekta som har søkelys på korona-situasjonen er klart kjenneteikna ved at dei har fokus på;

- Omstilling i maritim bransje, leverandørindustri, retta mot havvind med meire
- Klyngedanning innan helseindustri med konkret effekt for Covid 19 situasjonen
- Omstilling i restaurant/mat bransjen
- «Cross over», frå offshore leverandørnæring til resirkulering og sirkulærøkonomi tekstil
- Omstilling innan reiseliv i Hardanger og digital omstilling destinasjon Voss
- Styrka tilrettelegging og rådgjeving for næringslivet gjennom reorganisering av næringshagane

Oversikt søknader

I denne søknadsrunden er det sendt inn i alt 81 søknader, med samla søknadssum på kr. 58.682.602.

Med heimel i «Retningslinjer for verkemiddelbruk Innovasjon og næringsutvikling» pkt. 6 (lenke 5) vedteke i Hovudutval for næring, naturressursar og innovasjon den 11.03.2020, har fylkesdirektør for innovasjon og næring, høve til å gje administrative avslag dersom prosjektet ikkje er innanfor gjeldande retningslinjer og prioriterte satsingar. Av dei 81 innkomne søknadane vart 20 vurdert som administrative avslag/«ikkje søkegode» med samla søknadssum kr. 17.175.207. Døme på slike avslagsgrunnar er; søknader i strid med regelverk for offentleg støtte til enkeltverksemdar, driftsstøtte til søkjar, støtte til anlegg og infrastruktur, manglande eigenfinansiering og at fylkeskommunal støtte ikkje har utløysande- eller regional effekt.

Søknadsvurdering, gjennomføring og metode

For å løyse utfordringane med mest mogleg objektiv og fagleg evaluering av eit stort tal søknader, vart det som for runde 1. i april, nytta opplegg for panelvurdering av søknadene, etter modell frå Noregs forskingsråd. Det vart oppretta seks fagpanel kvart beståande av ein pannelleiar og 3-4 sakshandsamarar frå alle seksjonane i avdeling for Innovasjon og næringsutvikling, og frå dei ulike kontorstadene i fylket.

Oppgåvene til desse panela har vore;

- 3 - 4 personar i kvart panel har lest og vurdert kvar søknad
- Planlagt, leia og gjennomført 2 - 3 panelmøter der ein;
 - o Gjer karakter 1 - 7 på høvesvis prosjektet si «verknad og effekt» og «gjennomføring» og samlekarakter. Karakterane er basert på konsensus i panelet
 - o Kort skriftleg vurdering av kvar søknad i samsvar med karakter
 - o Rapportering alle data i eige skjema/system

I tillegg til panela har det vore ei støttegruppe som har;

- Etablert opplegg for fagpanel og vegleiingsmateriell
- Vore sekretariat for panela
- Lest og fordelt alle søknader
- Vurdert «ikkje søkegode» prosjekt etter «Retningslinjer for verkemiddelbruk Innovasjon og næringsutvikling»

Leiargruppa i avdelinga har;

- Jamleg godkjent opplegg og innretning
- Bestemt leiar og deltakarar i panela
- Fylkesdirektør har etter fullmakt gjort administrative avslag «ikkje søkegode» søknader og flytting av søknader til andre fylkeskommunale ordningar

Det har til saman vore panelvurdert 62 søknader i 13 panelmøte av 19 personar

Alle prosjekta er vurdert ut frå to hovudkriterium. Desse er kvaliteten på sjølve **innhaldet** i søknaden opp mot dei **politisk vedtekne måla** for «**verknad og effekt**», og vurdering av kor godt søknaden skildrar prosjektgjennomføringa «**gjennomføring**». Det vart nytta karakterskala frå 1 -7 for kvart av desse to vurderingspunkta. I tillegg vart desse karakterane summert og vekta for alle paneldeltakarane og alle søknadene. Leiar av panelet har konkludert med samlekarakter og kort skriftleg vurdering av kvar søknad basert på konsensus.

Karakter	Dette betyr karakteren
7	Framifrå Søknaden svarer særdeles godt på kriteriet. Den har ingen manglar.
6	Svært godt Søknaden svarer svært godt på kriteriet. Den har svært få, uvesentlege, manglar.
5	Mykje godt Søknaden svarer mykje godt på kriteriet, men den har nokre få manglar.

4	Godt Søknaden svarer godt på kriteriet, men den har fleire manglar.
3	Mindre godt Søknaden svarer mindre godt på kriteriet. Den har fleire, vesentlege, manglar.
2	Svakt Søknaden svarer ikkje godt på kriteriet. Den har overvekt av vesentlege manglar.
1	Dårleg Søknaden svarer ikkje på kriteriet, eller den kan ikkje vurderast fordi den er ufullstendig og manglar viktig informasjon.

Prosjektevaluering vil aldri være heilt ut kvantifiserbar. I den endelege vurderinga er det gjort ei forenkling der ein nyttar «svært god», «god» og «nokre manglar». Desse kategoriane speglar i større grad presisjonsnivået i dei kvalitative vurderingane.

Prioritering av søknader

Alle resultatane frå panelvurderingane er analysert med omsyn til å identifisere prosjekta med best kvalitet frå vurderingane til fagpanela (høgast score på samla vurdering skala frå 1-7).

Resultatet er at ein innanfor budsjetttramme på kr. 13,601 mill kan finansiere alle prosjektsøknader innan alle innsatsområda med høgste score på søknadskvalitet karakter «svært god» og tre prosjekt med vurdering «god».

Det vil sei søknader som er vurdert å treffe svært godt på oppfyljing av «aktuelle tiltak» i HNV 2020. Desse søknadene er vurdert å ha svært få, og uvesentlege, manglar.

Dei 22 foreslått prioriterte prosjekta er vist i vedlegg 1.

Dei 39 søknadene som er tilrådd ikkje støtteverdige med søknadssum kr 29.342.395 (Vedlegg 2) har også høg part med god kvalitet. Mange av desse søknadene ville ved andre omstende og større budsjett vorte vurdert søkegode og tilrådd. Det er å håpe at desse initiativa kan realiserast utan fylkeskommunal støtte, eller at ein kan gå i dialog og nytte resultatane gjennom anna samarbeid.

Vedtakskompetanse

I følge «Reglement for folkevalde organ og delegering Vestland fylkeskommune» skal hovudutval for næring, naturressursar og innovasjon, med heimel i kommunelova § 5-7., vektlegge arbeidsområde næringsutvikling og grønn konkurransekraft. Utvalet har avgjerdsmynde i tilskotssaker vedkommande regional næringsutvikling.

Vurderingar og verknader

Økonomi: Saka gjer framlegg om fordeling av budsjetterte midlar for utvikling av næringsliv, innovasjon og disponering av rekneskapsoverskot til eksterne tiltak. Det er venta at tildelingane er bidrag til vekst i regional verdiskaping.

Klima: Klima og berekraft er premiss for framlegget til prioritering av prosjekt både gjennom Handlingsplan for innovasjon og næringsutvikling 2020. Det er venta at resultatane frå fleire av prosjekta er bidrag til reduserte klimagassutslepp. Prosessen for utarbeiding av saka har føregått utan reiseverksemd

Folkehelse: Likestilling og fleirkulturelt omsyn er vektlagt i HNV 2020

Regional planstrategi: Tildelingane har skjedd i tråd med [Regional planstrategi 2020 - 2024](#)

Konklusjon

Det vert rådd til å gje tilsegn til 22 prosjekt som er vurdert å ha framifrå/svært god kvalitet. Total tilskotssum er kr 13.601.000. Det er uvanleg mange gode søknader som dessverre er vurdert som avslag grunna stor interesse og avgrensa budsjett.

Lenker:

4: [«Handlingsprogram for innovasjon og næringsutvikling i Vestland 2020 \(HNV 2020\)»](#)

5: [«Retningslinjer for verkemiddelbruk Innovasjon og næringsutvikling»](#)

6: [Utlysing HNV 2020](#)